



LOGOS E NÙMENES DE LOGOS

Progetu finantziadu dae sa R.A.S. segundu sa L.R. n. 44/1993 a su consòrtziu de sos Comunes de su Gotzèanu (Anela, Benetuti, Bono, Bultei, Burgos, Esporlatu, Nule, Illorai) cun su comune de Bono capufila in occasione de “ Sa die de sa Sardigna 2008” dedicata a “Sa limba sarda”.

COMUNE DE ESPORLATU

Su protzedimentu adotadu in sa chirca est istadu partzidu gasi:

- regorta de materiale documentàriu costoidu in s’ Archìviu de Istadu de Tàtari;
- regorta de materiale topogràficu de custos tempos;
- incheita intre sos abitanes de sos logos sebestados in sa chirca pro averiguare si sos topònimos presentes in sas fontes istòricas esserent galu reconnòschidos dae sa popolazione.

De su tzentru de Esporlatu no amus a disponimentu sa carta de s’abitadu de su Cessato catasto, ma petzi sa denominazione de sas incontradas in su Sommarione chi pertocat sos fràigos (chi risalint duncas a sa meidade de su sèculu su de XIX). Su documentu in chistione est depositadu in s’ Archìviu de Istadu de Tàtari.

Sos nùmenes de sas incontradas prsentes in su Sommarione sunt:

- Su Elighe
- Sa ‘e Susu
- Funtana
- Santu Baingiu
- Carrera Maggiore
- San Sebastiano

Dae s’anàlisi de sa carta de su tempus de oe podimus sebestare in su tzentru urbanu istòricu sos nùmenes de custos bighinados:

- **Santu Bostianu** (San Sebastiano) (est oe Piazza San Sebastiano)
- **Carrera ‘e Mesu** (peri sas carreras Oberdan e Brigata Sassari)
- **San Gavino** (Santu Baingiu) (peri sa via San Gavino; orìgine de sa crèsia omònima)
- **Carrela Mazore** (oe est Piazza Unità)

Su bighinadu prus antigu est de seguru cussu de Santu Baingiu, chi est a inghìriu a sa crèsia omònima. Carrera ‘e Mesu, est su bighinadu chi s’agatat in mesu intre Santu Baingiu e santu Bustianu, naradu gasi pro ite finas a una trintina de annos como b’aiat una crèsia chi oe no b’est prus.